

լիս գործողին գետնին նստած՝ ոտները նրա մեջ իջեցնել և ոտներով որոշ գործողություններ կատարել: Հորի աջ և ձախ կողմից գետնին ձգվում են զուգահեռ հաստ փայտեր, որոնց վրա ուղղահայաց նստեցրած են չորսական փայտե նեցուկներ իրար դիմաց: Ետևի զույգ նեցուկների վրա հանգչում է հորիզոնական քառակող սլմէ (սլմի)¹²⁷, որի վրա ցցված է մի ձողիկ. աշխատողը նրա վրա հենվում է իր թելվէրավ և տակը հավաքում արդեն գործած կտավը: Հաջորդ ավելի բարձր զույգ նեցուկների վրա դրված է քօր՝ միջի փէտը հենց դիփիի տակ: Երրորդ զույգ կարճիկ նեցուկների վրա ձգված հորիզոնական փայտի վրա հանգչում են դիփիի փարգաւնէր՝ ծնկները: Առջևի զույգ նեցուկներն իրենց վրա կտրված փորվածքներով պահում են չորրորդ հորիզոնական կտրացրած ձողը՝ մաղախը (սլմի), որն երբեմն պտույտ է գալիս փորվածքների մեջ: Նրա վրայով անցնում է վերևից իջնող հենքը: Հենքը ձգված է գործողի զլխին գրեթե առաստաղի մոտ պարանների օգնությամբ կախված կտրծողի վրայով՝ սաւալ (բացրի սլմիավ) և իջնում է գործողի ետև: Նրա ծայրը հանգուցված է պարանի հետ, որը կապվում է գործողի ետև պատի մեջ ցցված փայտե ցցի վրա: Այսպիսով հենքի թելերն անցնում են պարանից սկսելով, նախ սարի և ապա մաղախի վրայով և մտնում են դիփիի (դրֆայի) վերին և ստորին տախտակների մեջ անշարժ նստեցրած սանդղի և նրա ետևը կախված ասպի մատների միջով: Ասպի երկու մասերը կախված են ճլօւնֆնէրի (ճրնն-դուկնէրի) վրայով ձգված թելի երկու ծայրերից, իսկ տակից կապված են նույնպես բարակ պարաններով վրնդրտախտակնէրի (վօնատախտակնէրի) հետ, որոնք գործողի ոտների ճնշումով հերթով վեր ու վար են շարժվում և շարժում են նաև ասպի երկու մասերը: Դիփին կախված է ֆօղէրի (պահապաննէրի) օգնությամբ, որոնք երկարացվում են և կարճացվում վրսկէրնէրի (վրսկօրնէրի) օգնությամբ:

Գործողն իր կողքին գետնի վրա դնում էր թելի համար մասւա՝ տուփը: Հենքի թելերի միջով խաշաձևվող թելը նա անց էր կացնում մուֆուֆավ (մուֆուֆավ)՝ մակուկով: Զանգեզուրի ջուհակը հանում էր միապաղաղ և միագույն գործվածք միայն: Ի՛նչ համեմատություն դրա և օրինակ՝ Շատախի շալէ գործվածքի մեջ, որտեղ տարբեր գույնի թելերով հասնում էին նախշերի զարմանալի հարստության, նուրբ գեղեցկության և կտորի փայլի բազմերանգ խաղին:

Գործում էր թե՛ կինը, և թե՛ տղամարդը: Կավ վարպետ աշխատողը կարողանում էր օրական գործել մինչև 6 մետր շալ կամ 3 մետր շալվար: Այստեղ էլ վախենում էին համրանֆից և շաւ աչֆից պաշտպանված լինելու համար դնում էին մի շերեացող տեղում ջրով զավաթի մեջ ձու:

Քանի որ աշխատանքը կատարվում էր գետնին, թեկուզև մի ներքնակի վրա նստած, իսկ ոտներն իջած էին լինում հորի մեջ, որն այսպես թե այնպես միշտ խոնավ էր լինում, գործողները շարունակ ենթարկվում էին ոսկրացավ սպանալու վտանգին:

Կտավը կամ շալը ներկելու համար մեծ մասամբ դիմում էին մասնագետ արհեստավորներին, որոնք շիլէյի անէլու՝ կարմրացնելու համար գործ էին ածում տորոնը¹²⁸, իսկ կապուտ գույն տվողները՝ կրասի ներկարարներն էին (կարասի ներկարարներն էին):

¹²⁷ Մասերի անունները բերված են հնձորեսկի ենթաբարբառով, իսկ փակագծերի մեջ՝ Սիսիանի (Սիսավանի):

¹²⁸ Rubia tinctorum.